

## CONVOCATORIA DE MATRÍCULA ANTICIPADA EN ESTUDOS DE DOUTORAMENTO OFICIAL PARA ALUMNADO CON ESTUDOS DE PAÍSES ALLEOS AO EEES. CURSO 2015-2016

### 1 - . ÁMBITO DE APLICACIÓN

1.1.- Conforme ao disposto nesta convocatoria, poderán acceder as ensinanzas de Doutoramento oficial da USC para iniciar estudos no curso 2015-16 os titulados de sistemas educativos alleos ao Espazo Europeo de Educación Superior (EEES) que teñan un título homologado a un título universitario oficial español ou a outro expedido por unha institución de educación superior pertencente a outro estado membro do Espazo Europeo de Educación Superior, e que faculden para o acceso a estudos de doutoramento.

1.2.- Tamén poderán acceder os graduados de sistemas educativos alleos ao Espazo Europeo de Educación Superior sen a necesidade de homologar o seu título, previa comprobación pola Universidade de que o título do interesado acredita un nivel de formación equivalente aos correspondentes títulos universitarios oficiais españois e que faculta no país expedidor para acceder as ensinanzas de doutoramento . O acceso por esta vía non implica, en ningún caso, a homologación do título previo da persoa interesada ou o seu recoñecemento a outros efectos que o estudo das ensinanzas do Doutoramento.

1.3.- Os estudos que dan acceso aos estudos de doutoramento conforme á normativa vixente (Real decreto 99/2011) detállanse no Anexo II desta convocatoria.

1.4.- Para acceder aos estudos de doutoramento da USC os estudantes procedentes de sistemas educativos do Espazo Europeo de Educación Superior (EEES) terán o mesmo tratamento que os da cota xeral, polo que quedan fóra desta convocatoria e só deberán acreditar que o seu título da acceso aos estudos de doutoramento no país de orixe.

1.5.- Os estudantes incluídos no ámbito de aplicación desta convocatoria só poderán solicitar a admisión nos programas de Doutoramento nos que se estableceu unha cota para estudantes estranxeiros e que figuran no ANEXO I, sempre que os seus estudos se atopen entre os que dan acceso ao programa concreto no que desexen matricularse.

1.6.- Os programas de Doutoramento incluídos no ANEXO I constitúen a oferta oficial inicial e só excepcionalmente podería condicionarse a admisión e a matrícula nos estudos de Doutoramento á efectiva impartición dos mesmos.

### 2 - . PRAZAS

2.1.- Segundo o acordo do Consello de Goberno de 4 de febreiro de 2015 , os programas de Doutoramento nos que se pode solicitar a admisión e o número de prazas ofertadas nesta convocatoria anticipada para cada un son os que figuran no ANEXO.

2.2.- A admisión tramitarase por orde de solicitude ata cubrir as prazas ofertadas entre os que reúnan os requisitos esixidos no programa.

2.3.- Os solicitantes que non puideron matricularse a través desta convocatoria por cubrirse as prazas, poderán solicitar praza na convocatoria xeral de admisión nos estudos de doutoramento para o curso 2015-2016 cos criterios de selección recollidos nesa convocatoria. A súa solicitude para esta convocatoria anticipada rexistrarse no sistema informático desde onde se notificará ao interesado a apertura da nova data límite de solicitude e os extremos relevantes da nova convocatoria, de ser o caso.

2.4.- De non cubrir as prazas dispoñibles, as vacantes agregaranse á oferta xeral que se publique.

### 3 - . SOLICITUDE DE ADMISIÓN.

3.1.- A solicitude de admisión deberá presentarse ata o 31 de maio de 2015 por medios electrónicos a través da Secretaría Virtual no enderezo <http://www.usc.es/doutoramento>. Os datos solicitados deberán ser cubertos en galego ou español.

3.2.- Na solicitude, ademais dos datos persoais e académicos requiridos deberá proporcionar a documentación adicional específica esixida no programa concreto no que pretenda matricularse. Tamén debe incluír na solicitude de matrícula un enderezo de correo electrónico, que será o medio utilizado pola universidade para enviar as notificacións e comunicacións derivadas deste proceso, así como un teléfono de contacto para a recepción de calquera comunicación por vía SMS. De non ser posible a comunicación por estes medios, as notificacións faranse a través do taboleiro de anuncios da Sede Electrónica da USC (<https://sede.usc.é/sede>).

3.3.- Calquera omisión ou falsidade nos datos declarados sobre a titulación de acceso ou do expediente académico, poderá dar lugar á anulación da matrícula e, no seu caso, a ser excluído do proceso de adxudicación de prazas, independentemente das sancións administrativas ou penais que correspondan.

3.4.- A tramitación das solicitudes (consistente na verificación dos datos, especificamente os estudos de acceso, así como o control e cómputo de prazas) corresponde ao Servizo de Xestión Académica (SXA). O SXA, unha vez realizadas as comprobacións iniciais solicitará informe á Comisión Académica do programa sobre a admisión do solicitante e notificará ao interesado o que proceda.

No caso de que o alumnado careza da formación previa completa esixida no programa, a admisión poderá quedar condicionada á superación de complementos de formación específicos determinados pola Comisión Académica no seu informe e que deberán ser concretados para cada alumno, sen que se poidan superar os 15 ECTS . Os complementos formativos someteranse ao disposto na norma 47.1 da Resolución reitoral de 11 de xuño de 2014 pola que se publica a convocatoria xeral de matrícula para o curso 2014-2015.

O SXA tamén se poderá dirixir ás Comisións Académicas en caso de dúbida sobre a idoneidade dos estudos declarados para acceder, sen prexuízo da tramitación e xuízo posterior en caso de ser necesaria a resolución de recoñecemento de equivalencia.

Toda a tramitación e comunicacións entre órganos e entre estes e os interesados apoiaranse, no posible, no sistema informático de xestión académica (Xescampus).

No caso de que se cubrisen as prazas ofertadas non se emitirá a resolución de non admisión, informando ao estudante que pode facer unha nova solicitude na convocatoria xeral e dos requisitos que debe cumprir para ela.

**3.5.-** A resolución de admisión incluírá a data límite para matricularse, así como:

a) A cantidade que o estudante debe aboar no prazo de matrícula fixado e que terá a consideración de prezo de xestión da reserva de praza e que, en caso de formalizar matrícula definitiva, destinarase ao pago dos prezos públicos fixados pola Comunidade Autónoma para o curso 2015 - 2016. O importe da xestión de reserva de praza será de 200 euros. En caso de anulación de matrícula por calquera motivo, incluída a denegación da equivalencia de estudos que se describe no apartado 5, non procederá a súa devolución.

b) A necesidade de tramitar a equivalencia do título de acceso, no seu caso, e a forma de facelo especificando os documentos que se requiren e os requisitos destes .

c) No seu caso, a necesidade de superación dos complementos de formación de forma previa ou simultánea á matrícula en tutela académica no programa, e a advertencia sobre o prazo máximo de tres semestres consecutivos para superalos.

d) Información sobre o prezo total estimado por curso dos estudos que pretende cursar, así como as modalidades de pago ás que se poida acoller.

e) A necesidade de contratación dun seguro, de non telo feito antes.

f) Calendario académico previsto, número de créditos a matricular e toda a información relevante acerca dos estudos que se considere necesaria.

**3.6.-** Todas as comunicacións e notificacións relacionadas coa solicitude redactaranse nunha das linguas oficiais e, no posible, incluírase a súa tradución oficial ao idioma Inglés.

**3.7.-** Contra a resolución de non admisión o alumnado poderá presentar reclamación ante o Reitor no prazo de 7 días naturais desde a notificación da mesma. As reclamacións serán enviadas ás Comisións Académicas correspondentes para o seu informe.

#### **4 - . MATRÍCULA**

**4.1.-** Recibida a carta de admisión, o estudante debe matricularse dentro do prazo fixado na resolución mediante o pago dos prezos que figuran na devandita resolución. Os estudantes admitidos que non se matriculen neste prazo ou non aboem o prezos fixados, perderán o seu dereito sobre a praza adxudicada.

**4.2.-** A inscrición formalizarase e notificarase ao solicitante a través do sistema informático, incluíndo a información necesaria sobre a actualización dos prezos públicos e os cambios académicos que poidan xurdir posteriormente.

**4.3.-** Os estudantes inscritos poderán anular a matrícula formalizada nos termos e condicións establecidos pola Convocatoria xeral de matrícula sen dereito á devolución do prezo de xestión da reserva de praza.

**4.4.-** As disposicións da Convocatoria xeral de matrícula para o curso 2015-2016 serán de aplicación aos estudantes matriculados a través desta convocatoria anticipada, fóra dos límites dos cambios de matrícula que non son aplicables para eles. Todos os cambios de matrícula informados polas Comisións Académicas nos prazos xerais serán resoltos favorablemente.

## **5 - . EQUIVALENCIA DE ESTUDOS**

**5.1.-** A admisión e matrícula terán carácter provisional, condicionadas á concesión da equivalencia da titulación de acceso, de conformidade co disposto no artigo 6.2.d do Real decreto 99/2011, así como ao cumprimento dos requisitos específicos que se establezan para cada programa de doutoramento. Para o recoñecemento de equivalencia deberán presentar antes de que finalice o prazo de matrícula a correspondente solicitude no Servizo de Xestión Académica, xunto cos documentos académicos debidamente legalizados e traducidos e, no seu caso, os documentos orixinais pertinentes que acrediten o cumprimento dos requisitos específicos.

**5.2.-** A resolución desestimatoria da equivalencia de estudos estranxeiros cursados para o ingreso nos estudos de doutoramento suporá a anulación de todos os actos que se derivan da admisión e matrícula. Tamén procederá a anulación cando non se acredite o cumprimento dos requisitos específicos establecidos para a admisión no programa de doutoramento concreto.

## **DISPOSICIÓN ADICIONAL PRIMEIRA.- PROTECCIÓN DE DATOS**

**1.-** Os datos persoais recollidos serán incorporados no arquivo nº 1 denominado "Xestión Académica e Alumnado", aprobado pola Resolución de 24 de xuño de 2002 e modificada pola Resolución de 3 de setembro 2010. A súa finalidade é a xestión dos procesos para o acceso e a matrícula universitaria, a continuación dos estudos, os traslados, a xestión dos expedientes académicos, os títulos e cursos de posgrao e formación continua, tramitación de reclamacións, recursos, queixas e suxestións, control económico de prezos, e calquera outra actividade que se

inclúa na área administrativa da xestión académica e figure inscrita na Axencia de Protección de Datos.

2.- Os datos serán sometidos a tratamento con finalidades académicas e de xestión da USC, e para a difusión de información institucional e a información destinada a formación e inserción laboral dos membros da comunidade universitaria. A Universidade poderá utilizar os datos contidos nos seus arquivos tamén con fins históricos, estatísticos ou científicos, e para os establecidos no ficheiro e no regulamento xeral. Non se fará ningunha cesión de datos de carácter persoal sen o consentimento do titular dos datos, fóra dos casos previstos na Lei ou declarados no ficheiro pola USC.

3.- A responsabilidade sobre o ficheiro corresponde á Universidade de Santiago de Compostela e mediante escrito dirixido á Secretaria Xeral da Universidade, os interesados poderán exercer os seus dereitos de acceso, rectificación, cancelación e oposición de acordo cos modelos que aparecen en

<http://www.usc.es/es/normativa/protecciondatos/index.html>

ou

<https://sede.usc.é/sede/publica/catalogo/procedemento/55/ver.htm>.

#### **DISPOSICIÓN ADICIONAL SEGUNDA.- PREAMISION**

Fóra do prazo establecido nesta convocatoria, e sempre que non estea aberto un prazo xeral de admisión ou matrícula recollido na convocatoria xeral de matrícula para o curso 2015-2106, a petición dos alumnos que xustifiquen o seu interese en ser admitidos para cursar estudos de Doutoramento, o SXA poderá emitir acreditacións de pre-admisión nos programas de doutoramento nos que existan vacantes e previo informe favorable da Comisión Académica do mesmo. As acreditacións de pre-admisión non obvian a obriga dos interesados de someterse posteriormente aos procedementos de admisión e matrícula ordinarios polo que só terán efectos como xustificación previa de que o alumno reúne os requisitos mínimos para cursar os estudos solicitados.

O modelo de acreditación será aprobado pola Secretaría Xeral da Universidade.

**DISPOSICIÓN FINAL.- ENTRADA EN VIGOR E EFECTOS**

A presente convocatoria entrará en vigor na data de publicación no taboleiro electrónico oficial da USC, e terá efectos para a matrícula do curso 2015-2016.

Santiago de Compostela, 10 de febreiro 2015

O Reitor



Juan Víaño Rei

Os requisitos específicos para o ingreso en cada un dos programas figuran na páxina oficial de cada un deles. Poderase acceder á información desde este documento premendo no nome do programa.

<b><u>PROGRAMAS DE DOUTORAMENTO</u></b>	<b>Prazas</b>
<a href="#">Análise económica e estratexia empresarial</a>	2
<a href="#">Avances e novas estratexias en CC forenses</a>	2
<a href="#">Avances en bioloxía microbiana e parasitaria</a>	3
<a href="#">Biodiversidade e conservación do medio natural</a>	2
<a href="#">Ciencia de materiais</a>	4
<a href="#">Ciencia e tecnoloxía química</a>	16
<a href="#">Ciencias agrícolas e medioambientais</a>	3
<a href="#">Ciencias da visión</a>	1
<a href="#">Ciencias mariñas, tecnoloxía e xestión</a>	2
<a href="#">Ciencias odontolóxicas</a>	3
<a href="#">Comunicación e información contemporánea</a>	4
<a href="#">Dereito</a>	4
<a href="#">Desenvolvemento psicolóxico, aprendizaxe e saúde</a>	2
<a href="#">Desenvolvemento rexional e integración económica</a>	2
<a href="#">Economía e empresa</a>	6
<a href="#">Educación</a>	7
<a href="#">Endocrinoloxía</a>	4
<a href="#">Energías renovables e sustentabilidade enerxética</a>	3
<a href="#">Enxeñaría para o desenvolvemento rural</a>	6
<a href="#">Enxeñaría química e ambiental</a>	3
<a href="#">Enxeñaría termodinámica de fluídos</a>	1
<a href="#">Epidemioloxía e saúde pública</a>	2
<a href="#">Equidade e innovación en educación</a>	2
<a href="#">Estatística e investigación operativa</a>	2
<a href="#">Estudos culturais: memoria, identidade, territorio e linguaxe</a>	4
<a href="#">Estudos da literatura e da cultura</a>	4
<a href="#">Estudios Ingleses Avanzados: Lingüísticos, Literarios e Culturais</a>	3
<a href="#">Estudos medievais</a>	3
<a href="#">Filosofía</a>	2
<a href="#">Física nuclear e de partículas</a>	5
<a href="#">Historia contemporánea</a>	4
<a href="#">Historia, xeografía e historia da arte</a>	6
<a href="#">Innovación en seguridade e tecnoloxía alimentarias</a>	3
<a href="#">Investigación agraria e forestal</a>	4
<a href="#">Investigación básica e aplicada en ciencias veterinarias</a>	1
<a href="#">Investigación clínica en medicina</a>	6
<a href="#">Investigación e desenvolvemento de medicamentos</a>	3
<a href="#">Investigación en tecnoloxías da información</a>	4
<a href="#">Láser, fotónica e visión</a>	1
<a href="#">Lingüística</a>	2
<a href="#">Lóxica e filosofía da ciencia</a>	1
<a href="#">Marketing político: actores e institucións nas sociedades contemporáneas</a>	5
<a href="#">Matemáticas</a>	2
<a href="#">Medicina e sanidade veterinaria</a>	2

<u>PROGRAMAS DE DOUTORAMENTO</u>	Prazas
<a href="#">Medicina molecular</a>	6
<a href="#">Medio ambiente e recursos naturais</a>	4
<a href="#">Métodos matemáticos e simulación numérica en enx. e ciencias aplicadas</a>	2
<a href="#">Nanomedicina</a>	1
<a href="#">Neurociencia e psicoloxía clínica</a>	4
<a href="#">Procesos psicolóxicos e comportamento social</a>	3
<a href="#">Psicoloxía do traballo e as organizacións, xurídica-forense e do consumidor e usuario</a>	2
<a href="#">Textos da antigüidade clásica e a súa pervivencia</a>	1
<a href="#">Xestión sustentable da terra e do territorio</a>	2

Os requisitos de acceso para os alumnos de inicio nos estudos de doutoramento ao amparo do Real decreto 99/2011 serán os establecidos na normativa vixente e no Regulamento de estudos de doutoramento da USC.

Son requisitos de acceso os seguintes:

Con carácter xeral, para o acceso a un programa oficial de doutoramento será necesario estar en posesión dos títulos oficiais españois de Grao, ou equivalente, e de Máster universitario, ou equivalente, sempre que se teñan superado, alomenos, 300 créditos ECTS no conxunto destas dúas ensinanzas.

Así mesmo poderán acceder quen se atopen nalgún dos seguintes supostos:

- Estar en posesión dun título universitario oficial español, ou doutro país integrante do Espazo Europeo de Educación Superior, que habilite para o acceso a Máster de acordo co establecido no artigo 16 do R.D. 1393/2007 e superar un mínimo de 300 ECTS no conxunto de estudos universitarios oficiais, dos que, polo menos 60, haberán de ser de nivel de Máster.
- Estar en posesión dun título oficial español de Grao no que a duración, conforme a normas de dereito comunitario, sexa de polo menos 300 ECTS. Ditos titulados deberán cursar con carácter obrigatorio os complementos de formación requiridos polo programa, agás que o plan de estudos do correspondente título de grao inclúa créditos de formación en investigación equivalentes en valor formativo aos créditos en investigación procedentes de estudos de Máster.
- Os titulados universitarios que, previa obtención de praza en formación na correspondente proba de acceso ás prazas de formación sanitaria especializada, superen con avaliación positiva polo menos dous anos de formación dun programa para a obtención do título oficial dalgunha das especialidades en ciencias da saúde (MIR, FIR, PIR, EIR, etc.)
- Estar en posesión dun título obtido conforme a sistemas educativos estranxeiros, sen necesidade de homologalo, previa comprobación pola universidade de que este acredita un nivel de formación equivalente á do título oficial español de Máster Universitario e que faculta no país expedidor do título para o acceso a estudos de doutoramento. Esta admisión non implicará, en ningún caso, a homologación do título previo do que estea en posesión o interesado nin o seu recoñecemento a outros efectos que o de acceso a ensinanzas de doutoramento.
- Estar en posesión doutro título español de Doutor obtido conforme a anteriores ordenacións universitarias.
- Os doutorandos que iniciasen o seu programa de doutoramento conforme a anteriores ordenacións universitarias, poderán acceder ás ensinanzas de doutoramento, previa admisión de acordo co establecido neste Regulamento. En todo caso deberán reunir os requisitos establecidos con carácter xeral neste regulamento para acceso a estudos de doutoramento.

Poderán acceder aos estudos de doutoramento os Licenciados, Arquitectos ou Enxeñeiros que estivesen en posesión do Diploma de Estudos Avanzados obtido de acordo co disposto no Real decreto 778/1998, de 30 de abril, ou alcanzasen a suficiencia investigadora regulada no Real decreto 185/1985, de 23 de xaneiro.

- Poderán acceder aos estudos de doutoramento os Licenciados, Arquitectos ou Enxeñeiros que estivesen en posesión dun título de Máster oficial conforme ao Real decreto 56/2005 ou do Real decreto 1393/2007, modificado polo Real decreto 861/2010 ou superasen 60 ECTS de estudos de Máster oficial.

- Tamén poderán acceder os Diplomados, Enxeñeiros Técnicos ou Arquitectos técnicos que acrediten superar 300 ECTS no conxunto de estudos universitarios oficiais cursados dos que polo menos 60 terán que ser de nivel de Máster oficial.

A efecto do cumprimento dos requisitos de acceso, as titulacións do sistema universitario español anteriores ao Real decreto 1393/2007, de 29 de outubro terán unha equivalencia de conformidade coas seguintes regras:

- a) Un curso académico completo dun título universitario oficial español regulado por unha ordenación previa ao RD 1393/2007 será considerado equivalente a 60 ECTS e unha titulación de cinco anos considerarase como cursados, un equivalente de 300 ECTS
- b) No caso de cursar e superar unha titulación oficial española dunha ordenación anterior ao RD 1393/2007, de 29 de outubro organizada en dous ciclos (primeiro e segundo ciclo) que, de acordo co apartado anterior, sexa equivalente a un mínimo de 300 ECTS, considerarase que o último curso de 60 ECTS do segundo ciclo é de nivel de Máster.
- c) De cursar e superar unha titulación de segundo ciclo que non constituía continuación directa dun correlativo primeiro ciclo, e que o conxunto de créditos cursados e superados de primeiro e segundo ciclo será equivalente a un mínimo de 300 ECTS, considerarase que o último curso de 60 ECTS do segundo ciclo son equivalentes ao nivel de Máster.
- d) Este recoñecemento de 60 ECTS como de nivel de Máster referido nas liñas anteriores serao aos únicos efectos de acceso aos estudos de doutoramento da USC, sen que supoña a adquisición de ningún outro dereito nin equivalencia.
- e) Todo o anterior enténdese sen prexuízo do disposto no artigo 16 do Regulamento de Estudos de Doutoramento da USC no relativo aos requisitos xerais e aos criterios adicionais de admisión que poida establecer a comisión académica dun Programa de Doutoramento concreto, así como, se é o caso, a esixencia de complementos de formación específicos, tal e como se recolle no artigo 7 do RD 99/2011 de 28 de xaneiro."